



中武
612
9



門下武
編 612
卷 9



外臺秘要方第九卷
重訂唐王蕭先生外臺秘要方第九卷

欬嗽二
十三門

欬嗽方三首

五嗽方四首

新久嗽方三首

卒欬嗽方八首

暴熱嗽方二首

冷欬方三首

欬失聲方四首

氣嗽方八首

呷欬方二首

小臺秘要

九卷目錄

徑徐居



熏欬法六首

療欬方一十四首

積年久欬方二十一首

久欬坐臥不得方二首

欬嗽短氣方七首

九種欬方一首

欬逆及厥逆飲欬方七首

十欬方七首

久欬嗽上氣唾膿血及濁涎方五首

欬嗽膿血方一十一首

久欬嗽膿血方四首

欬嗽唾粘方二首

許仁則療欬方一十二首

雜療欬嗽方三首

刑

檢

唐王燾先生外臺秘要方第九卷
宋朝散大夫守光祿卿直秘閣判登聞鼓院上護軍臣林億等

上進

新安後學程衍道敬通父訂梓

欬嗽方三首

病源欬嗽者由肺感於寒微者成欬嗽也肺主氣合於皮毛邪之初傷先客皮毛故肺先受之五藏與六腑為表裏皆稟氣於肺以四時更王五藏六腑皆有欬嗽各以其時感於寒而受病故以欬嗽形證不同五藏之欬者乘秋則肺先受之肺欬之狀欬而喘息有音聲甚則唾血乘夏則

刑

檢

脉手陽明經也其脉浮則為陽實陽實者病苦腹滿善喘
欬脉微大為肝痺欬引少腹欬嗽脉浮大者生沈小伏匿
者死又云脉浮直腎生沉硬者死欬且嘔腹脹且泄其脉
弦弦欲絕者死欬脫形發熱脉小硬急者死欬且羸瘦絡
脉大硬者死欬而尿血羸瘦脉大者死

小品療欬嗽紫菀七味湯方

- 紫菀 半兩
- 五味子 兩
- 桂心 二兩
- 麻黃 四兩
- 杏仁 七十枚 去皮
- 乾薑 四兩
- 甘草 二兩

右藥切以水九升煎取二升半去滓溫服七合日三服
忌海藻菘菜生葱蒜麩腥膩

經心錄古今錄驗同
出第二卷中

延年紫菀飲主欬嗽方

- 紫菀
- 貝母
- 茯苓
- 杏仁 去皮尖
- 生薑 各三兩
- 人參 二兩
- 橘皮 一兩 去脈
- 杏人 兩 人者

右七味切以水五升煮取一升五合去滓分溫三服如
人行七里更進一服忌葱蒜麩酢

張文仲處古今錄驗
同出第五卷中

古今錄驗天門冬煎療欬嗽方

- 天門冬 六兩 去心
- 杏人 三升 去雙
- 椒 三升 蒸
- 桂心
- 厚朴 各三兩
- 杜仲
- 苦參 各三兩
- 附子 六兩 炮
- 乾薑 六兩
- 烏頭 二枚 炮
- 人參 六兩
- 蜈蚣 一枚 去頭足

右十二味別搗杏人其餘者合搗下篩以五斤膠餈和搗千杵服如大棗一枚日三忌冷水豬肉生葱鯉魚出第九卷中

五嗽方四首

深師療五嗽一曰上氣嗽二曰飲嗽三曰燥嗽四曰冷嗽五曰邪嗽四滿丸方

乾薑

桂心

躑躅花

芳薷

紫葳

芫花根皮各二分

人參

細辛

茸草炙

半夏洗

鬼督郵各一分

蜈蚣一枚去頭足炙

右十二味搗篩蜜和服如大豆五九米飲下日三不知加之至七八九服此丸無不差方秘不傳忌羊肉饔生葱生菜海藻菘菜

又方

特生礬石一兩泥包燒半日

款冬花一兩

豉三百枚搗千杵

巴豆十六枚去皮心蒸別搗如脂

右四味搗篩蜜和服如大豆米飲下二九不知稍增至

四五丸忌野豬肉蘆筍古今錄驗素三十年款

出第十八卷中

備急華佗五嗽丸方

皂莢炙

乾薑

桂心

款

右三味等分搗篩蜜和丸如梧子服三丸酒飲俱得日
三忌葱出第三卷中

古今錄驗四滿丸療五嗽一為氣嗽二為痺嗽三為燥嗽
四為邪嗽五為冷嗽悉療之方

蜈蚣二枚

芫花根五分

煎

躑躅花四分

分

乾薑

芎藭

桂心各四分

分

人參

細辛各二分

分

右八味搗篩蜜和為丸一服米飲下五丸如大豆許日
三稍加至十九忌生葱生菜出第十九卷中

新久欬方三首

深師療新久欬嗽唾膿血連年不差晝夜肩息麻黃湯方

麻黃

去節四兩

桂心

二兩

甘草

二兩

大棗

十四枚

右四味切以水九升煮取三升去滓分溫三服日三數

用有效忌海藻菘菜生葱等物

又療新久欬嗽前胡丸方

前胡

六分

烏頭

炮二枚

桔梗

乾薑

各二分

桂心

八分

蜀椒

八分

右六味搗篩蜜和如櫻桃大一丸令化稍稍嚥之日三

又療久欬晝夜不得臥咽中水雞聲欲死者療之良忌

豬肉冷水生葱

出第十八卷中

千金療新久欬嗽款冬花煎方

款冬花

乾薑

為末

芫花根

熟熬為末
各二兩

五味子

紫菀

各三兩

右五味先以水一斗煮三味取三升半去滓內芫花乾

薑末加白蜜三升合投湯中令調於銅器中微火煎令

如飴可一升半服棗核大含之日三服曾數用甚良忌

蒜麩腥膩深師同出第十八卷中

卒欬嗽方八首

肘後療卒欬嗽方

釜月下土一分

豉七分

又方

右二味熬搗蜜丸如梧子大米飲服十四丸曾用有驗

飴糖六分

乾薑六分

豉一兩

右三味先以水二升煮豉三兩沸去滓內飴糖消後內

乾薑末分為三服

又方

生薑汁

百部根汁

右二味合煎服二合並出第一卷中

張文仲卒欬方

百部根

四兩

右一味酒一斗煮之再宿火温服一升日再服之效附

又方

温清酒一升 驢膏一升

右服之亦療上氣並出第三卷中

備急卒欬嗽方

芫花二兩 熬

右一味水二升煮四沸去滓內白糖一斤服如棗大勿食鹹酸物亦療久欬附後同

又方

爐中取鉛屑一分 桂心一兩 皂莢二兩 去皮子炙

右三味搗篩蜜和丸如梧子大人米飲下服十五丸小

兒五丸日二服忌生葱附後同出第三卷中

深師療卒欬逆上氣肩息晝夜不止欲絕麻黃湯方

麻黃去節 細辛各二兩 甘草半兩 炙

桃人二十枚 去皮尖及兩 人者研一 本作杏人

右四味切以水七升煮取三升去滓分三服秘方忌海藻菘菜生菜出第十八卷中

暴熱欬方二首

千金療暴熱欬杏人飲方

杏仁四十枚去皮炒研柴胡四兩紫蘇子一升橘皮一兩

右四味切水一斗煮取三升分三服常服飲之不妨本方

無紫蘇子有乾棗
出第十八卷中

延年貝母煎主暴熱欬方

貝母三兩紫菀一兩五味子一兩百部根一兩

杏仁去皮尖兩甘草炙各二兩

右六味切以水五升煮取二升去滓和地黄汁三升生麥門冬汁一升白蜜五合好酥二合生薑汁一合又先取地黃麥門冬及湯汁和煎減半內酥薑汁攪不得停手又減半內蜜煎如稠糖煎成取如棗大含嚥之日三

蘇蘇

夜再服忌海藻菘菜鹹物蔣孝瑋處出第五卷中

冷欬方三首

深師療冷欬逆氣乾薑湯方

乾薑四兩紫菀一兩杏仁七十枚去皮

麻黃去節四兩桂心一兩甘草炙各二兩五味子一兩

右七味切水八升煮取二升七合分三服平體人加射

干一兩三分注代乾薑忌海藻菘菜生葱等

又療冷飲欬芫花煎方

芫花二兩乾薑二兩白蜜二升

右三味搗篩二味內蜜中攪令相和微火煎令如糜服

如棗核一枚日三夜一欲痢者多服千金主新久欬並出第十八卷中

千金療冷嗽方

乾薑三兩末

膠胎一斤

右二味攪令調蒸五升米下令熟以棗大含化稍稍
嚥之日五夜三出第十八卷中

欬失聲方四首

廣濟療咽喉乾燥欬嗽語無聲音桂心散方

桂心三兩

杏仁三兩去皮尖
雙入熬

右二味擣篩為散以蜜和綿裹如棗大含之嚥汁日三
夜二忌生葱油膩出第二卷中

古今錄驗療暴中冷傷寒鼻塞喘欬喉中壅塞失音聲者
方

取芫花根一虎口
切暴

右一味令病人以薦自紫就裏春芫花根令飛揚入其
七孔中當眼淚出口鼻皆羅刺郎達切畢畢耳勿住令芫

花根盡則止病必於此差

又療忽暴欬失聲語不出杏仁煎方

杏仁一升去皮尖
兩人者熬

通草四兩

紫菀

五味子各三兩

桑白皮五兩

蜜一升

清汁糖一升

生薑汁一升

右九味切以水九升煮五味取三升去滓內杏仁脂薑汁蜜糖和攪微火上煎取四升初服三合日再夜一稍加之忌蒜麪炙肉等千金同

又通聲膏方

五味子 欵冬花

通草 各三兩

後人參 二兩

杏人一升去尖皮

桂心

細辛

青竹皮 薑蒲

酪酥 各二兩

棗膏 三升

白蜜 一升 薑汁 一升

右十三味細切以水五升微火煎三上三下去滓內薑汁棗膏煎令調和酒服如棗二枚忌生菜生葱羊肉飴

昌 款

千金用蘇五升棗膏蜜各二升餘同

氣嗽方八首

病源夫肺主氣候皮毛人有運動勞役其氣外洩腠理則開因乘風取涼冷氣卒傷於肺即發成嗽故為暴氣嗽其狀嗽甚而少涎沫出第十四卷中

古今錄驗療患氣嗽并下焦冷結方後四方同療姚大夫別錄要方

紫菀 貝母 百部根 欵冬花

五味子 半夏洗各五分 射干 十分

芫花根皮四分切 乾薑 橘皮各四分

杏人八分去皮尖 蘓子四分 白石英八分

杏人雙九卷

歷余告

蘇 款

蘇

外臺秘要

鍾乳研十分

右十四味搗篩以蜜和為丸如梧桐子酒服十九日再稍加至三十九忌羊肉錫諸生冷等物

又方

乾地黄

桂心

山茱萸

五味子各二兩

茯苓四兩

茯苓

丹參

澤瀉

茸草炙

鍾乳研各二兩

右十味搗篩蜜和酒服十五丸如梧子大日增至三十九忌海藻生葱醋物菘菜蘆薹

又酒方

丹參

乾地黄各五兩

芎藭

石斛

牛膝

黃耆

白朮

茯苓各四兩

防風

獨活

附子炮

秦艽

桂心

乾薑各三兩

鍾乳六分

右十五味切以酒三斗浸七日初服二合日再稍稍加之忌食桃李雀肉生葱豬肉冷水蘆薹

又丸方

乾地黄四兩

防風

茯苓

澤瀉各二兩

山茱萸

丹參

五味子

茯神各二兩方作茯苓

桂心一兩半

外臺秘要

九卷

十一

歷代全書

右九味搗篩蜜和丸如梧子酒服二十九日再稍加至三十九忌醋物生葱燕莖並出第十九卷中

延年杏仁煎主氣嗽方

好杏仁一升去皮尖

糖一合

蜜五合

酥一合

生薑汁一合

貝母八合別篩末

蘇子汁一升以七小合蘇子研末和瀉取汁

右七味先搗杏仁如泥內後六味藥合煎如稠糖取如棗大含嚥之日三但嗽發細細含之忌豬肉蔣孝璋處

又療氣嗽煎方

貝母

紫菀

百部根炙

款冬花

瑜

款

甘草炙各三兩

桂心二兩

右六味切以水六升煮取一升五合去滓內後藥

生地黄汁三升

生麥門冬汁五合

生薑汁五合

白蜜五合

酥五合

白糖五合

杏仁三合去皮尖雙

煎如糖一服一匙日三稍加至三匙嗽定則停忌海藻

生葱菘菜燕莖蒜醋鹹食豬肉等

又療氣嗽杏仁煎方

杏仁五合去皮尖搗研

生薑汁二合

酥一合

蜜三合

右四味以水三升研杏人取汁內銅鎔中煎攪可減半內薑汁煎如稀糖內酥蜜煎令如稠糖一服一匙日三服夜一服稍加至兩匙忌豬肉

又杏人煎主氣嗽方

杏人

一升去尖皮兩

酥三合

白蜜三合

右三味以水三升研濾杏人令味盡內銅鎔中煎可減半內酥蜜煎二十沸內貝母末四分紫苑末三分茸草炙末一分更煎攪如稀糖一服一匙日三夜一服以效嗽止為度大驗忌雜豬肉並出第五卷中

呷欬方二首

病源呷欬者猶是欬嗽也其腎膈痰飲多者欬則氣動於痰上搏咽喉之間痰氣相擊隨欬動息呷呷有聲謂之呷欬其與欬嗽大體雖同至於投藥則應加消痰破飲之物以此為異耳出第十四卷中

崔氏三十年以來呷欬并療之方

葇荳子

新首

南青木香

真者

熏黃

無石臭者

右三味等分擣篩為散以羊脂塗青紙一張以散藥著紙上卷裹之平旦空腹燒裹頭令烟出吸取十噤日中時復吸十噤日晚後吸十噤七月內禁生冷醋滑三月

煙

並

淡

則差出第六卷中

古今錄驗療喉欬書墨丸方大神驗萬年縣令席君懿送

書墨二分

茸遂二分

葶藶子二分前胡五分

大黃五分

巴豆二分去心皮熬

右六味擣篩為散巴豆葶藶別細研蜜和丸如梧子以

白蜜粥清飲且空腹服三丸人弱服二丸則利水或吐

三日以後更一服還如上法不過三服愈療三十年欬

如利不止者以冷白飲止之吐利止後食禁生冷醋滑

豬魚雞麩油酒冷水葶藶筍此藥宜春夏服之有毒之

藥寧從少起廣濟療瘕嗽上氣喉中作水雞鳴

出第十九卷中

起

熏欬法六首

千金療欬熏法

細熟艾薄薄布紙上廣四寸復以石硫黃末薄布艾

上務令調勻以荻一枝如紙長卷之作十枚先以火

燒纏下去荻其烟從荻孔中出口吸取煙熏之取吐

止明且復熏之昨日餘者後日復熏之三日止自然

差惟得食白糜餘皆禁之古今錄驗同

又法

熏黃研令細

一兩

以蠟蠟紙并上重黃令與蠟相入調勻卷之如前法燒

九卷

經餘

煙

裏

之亦如上法口一二止以吐為度七日將息夜羊肉羹補之

又法

爛青布廣四寸上布艾艾上又布青礬石末礬上布少熏黃末又布少鹽又布少豉末急卷之燒令著內燥罐中以紙蒙頭作小孔以口含取煙噓之以吐為度悶時復息煙盡止日一二用三卷用不盡差三七日慎油膩五出第十八卷中

崔氏療久欬不差熏法

欬冬花

款

右一味每旦取如雞子許用少許蜜拌花使潤內一升

鐵鑊中又用一瓷碗合鑊碗底鑽一孔孔內插一小竹

筒無竹葦亦得其筒稍長作碗鑊相合及插筒處皆麩

泥之勿令漏煙氣鑊下著炭火少時欬冬煙自從筒中

出則口含筒吸取煙噓之如覺心中少悶須暫舉頭即

將指頭捻筒頭勿使漏煙氣吸煙使盡止凡如是三日

一度為之待至六日則飽食羊肉餠飢一頓則永差出

第六卷中

款

款

古今錄驗療欬飲

呼合切煙法

鍾乳研

白石英研

人參

丹參研

雄黃各七分 水銀二分 烏羊腎脂一具 淨紙十張

右八味各搗篩為末以水銀投藥裏細研使入諸藥羊脂熬取置紙中令均平使厚一分散藥令周遍剪紙一張作三分瘦弱婦人五日用半寸熏末服藥前齋五日服藥後一百日忌五辛酒肉此一劑得療五十人上氣悉皆愈忘生血物

又療欬腹脹氣上不得臥身體水腫長孫振熏法

蠟紙一張熟艾薄布遍紙上

熏黃末三分 欬冬花末二分

右三味并通布艾上者一葦筒卷之寸別以繩繫之燒

齊

一款

並

下頭飲煙嚥之亦可三十嚥飲訖則差欬盡三劑一百日斷鹽醋日一每飲三寸三日盡一劑出第十九卷中

深師療欬方

巴豆炮去殼勿傷肉

白飲吞下初日飲服二枚二日三枚服良忌野猪肉蘆笋

汗全局

又方

蜀椒一合汗 杏仁去皮尖半 欬半 歧半 欬冬花小半 如鼓一 欬九 欬多

欬冬花小半 如鼓一 欬九 欬多

下臺必更

右字吞

款

右四味搗蜜和為丸晚間不食含一九如彈丸大含一
九則知効驗十年者五六日知良出第十八卷中

小品療欬生薑五味子湯方

五味子五合

生薑八兩

紫菀一兩

半夏二兩

吳茱萸一兩

款冬花半兩

細辛一兩

附子一枚

茯苓四兩

甘草二兩

桂心一兩

右十一味切以水一斗煮取五升分溫三服老人可服

五合忌海藻菘菜豬肉冷水羊肉餛生菜醋物生葱冷

錄驗同出第一卷中

備急療欬方

杏人半斤去尖皮

紫菀二兩

右二味先研杏人取汁使盡細切紫菀更煎少濃去滓

內蜜使稠細細飲之立定出第三卷中

崔氏療欬方

杏人一升去尖皮

蘇子汁五合

生薑汁五合

蜜五合煎

右四味先搗杏人作脂訖內諸藥和煎攪調三四沸藥

成含嚙如棗大日三四忌蒜麪出第六卷中

延年紫菀飲主欬方

紫菀一兩

貝母二兩

人參一兩

橘皮半兩

生薑 一兩

杏仁 在人參 一兩半 去皮 尖兩人者研

右六味切以水二升五合煮取八合分三服欲再服亦得慎鹹醋蒜麪 蔣孝瑋處出第五卷中

必効療欬方

棗 一百二十顆 去核

鼓 一百

桃人 一百二十顆 去皮尖 兩人者蒸令色黃

右三味合搗爲丸如棗大含之無不差

又方

雞子白皮 十四枚

熬令黃

麻黃 三兩 去節

右二味搗成散每服方寸七日二食後飲下之無所忌

又方

麻黃 二兩 去節

紫菀 二兩

貝母 三兩 去心

右三味搗篩蜜和丸如杏核綿裹含稍稍嚥汁盡更作日四五度

又方

杏仁 一百二十枚 去皮尖熬

鼓 一百枚 熬令乾

乾棗 四十枚 去核

右三味合搗如泥丸如杏核含嚥令盡日七八度盡更作 出第一卷中

古今錄驗百部湯療欬晝夜不得眠兩眼突出方

百部 半兩

生薑 半斤 細辛 三兩

貝母 三兩

甘草 二兩 炙

杏仁 四兩 去皮 尖兩人者

紫菀 三兩

桂心 一兩

白朮 二兩

麻黃 六兩去節

五味子 二兩

右十一味切以水一斗二升煮取三升分三服忌桃李

雀肉海藻菘菜生菜千金無杏人紫菀餘同

又療欬噲散方

細辛

紫菀

天雄炮

石膏

欬冬花

鍾乳各二分

右六味擣篩作散如大豆七聚以小竹筒噲服日二不

得食生魚醬醋生菜但食糜七日欬愈乃止若大豆聚

不知亦小益勿大多甚良忌生菜冷水豬肉千金同

又療欬麻黃五味子湯方

麻黃 四兩去節

五味子 五合

甘草 二兩炙

半夏 二兩洗

乾薑 五合

細辛 二兩

桂心 六兩

杏仁 三兩去皮尖

右八味切以水一斗煮取四升去滓分温五服日三夜

二忌海藻菘菜羊肉錫生菜生葱

又療欬羊肺湯太醫史脫方

欬冬花 一兩

紫菀

乾薑

細辛 各一兩

桂心

茸草 各半兩

五味子 半斤

白朮

食茱萸 各半兩

羊肺 二枚細切

右十味切以水八升合煮取三升去滓一服三合日三

禁食鹽蒜生菜海藻菘菜生葱出第十九卷中

積年久欬方二十一首

病源肺感於寒微者則成欬嗽久欬嗽是連滯歲月經久不差者也凡五藏皆有欬嗽不已則各傳其腑諸久欬不已三焦受之其狀欬而腹滿不欲食飲此皆寒氣聚於胃而閉於肺使人多涕唾而變面浮腫氣逆故也出第十四卷中深師療五藏欬積年劇則上氣不得臥喉中如有物醫所不療五愈丸方

桂心

細辛

乾薑

白前菴

茸草

炙各三分

蜀椒

汗

代赭

通草

款冬花

芫花

熬各一分

伏龍肝

紫菀

牡蠣

各二分熬

右十三味搗篩以飴糖和之搗令調和如棗核一九含之稍稍嚥其汁盡復含令胃中熱為候不知以意加之其久病重者晝夜二十餘丸若一歲欬者一月愈十歲欬者百日愈忌海藻菘菜生葱生菜等

又療三十年欬芫花煎方

芫花

二兩

乾薑

三兩末之

右二味以水五升煮芫花取三升去滓內薑末加蜜一升合煎之如糜一服如半棗日三不知加之一方不用乾薑取芫花汁蜜和煎令可丸服如梧子三九日三

又療三十年欬氣奔上欲死醫所不療海藻丸褚仲堪方

海藻 三分

麥門冬 五分

去心

昆布

乾薑

細辛

文蛤

桂心

蜀椒

汗各二分

右八味搗篩蜜和服如杏人許夜臥一九著舌上稍稍
嚥汁盡更著一九忌牛葱生菜等

又療三十年欬嗽上氣短氣久冷五藏客熱四肢煩疼食
飽則劇時有發甚不能行步夜不得臥多夢香豉丸

香豉 四分

杏人

二分去尖皮兩人熬

紫苑 三分

桂心 三分

甘草 八分

乾薑 二分

細辛 三分

吳茱萸 二分

右八味搗篩蜜和服如梧子四九日三不知增之能含

款款

嚼嚥汁亦佳忌海藻菘菜生菜

又療三十年上氣欬嗽欬冬花丸方

欬冬花 六分

桂心 四分

紫苑 六分

杏人

四分去尖皮兩人熬

附子 二兩

炮

菘蘆 四分

乾薑 六分

甘草 七分

細辛 六分

防風 八分

羌花 六分

蜀椒

八分

野葛

四分去心

右十三味搗篩蜜和丸如梧子服三九稍加日三服忌

生葱辛鹹醋豬肉冷水海藻菘菜生菜狸肉等一方十四味此

方忌酢恐有茯苓

又療三十年欬逆上氣咽喉如水雞鳴或唾膿血師藥不

能療者方

香豉三升

蜀椒一升

生薑一斤

豬肪三斤

右三味搗篩內肪中以水五升合豉等物熟煎每以二合服之大効

反療三十年欬嗽七星散方

蜀椒汗

桑根白皮

芫花根皮

欬冬花

紫苑

代赭

細辛

伏龍肝

各一兩

右八味物搗為散取作七星聚聚如菹豆大以竹筒口當藥上一一噏嚙之令藥入腹中先食訖即服藥日三服後三日不差復作七聚以一齧肉炙令熟以轉展藥聚

上令藥悉在炙肉中仰臥咬咀炙肉汁令藥力欬欬皆毒螫咽中藥力盡吞肉前後所療皆不至食肉便愈若不愈復作如初法必愈乃止羊牛鹿肉皆可用勿用豬肉忌生菜千金延年不同椒與芫花根餘同

千金療三十年欬嗽方

蜜一斤

生薑

二斤取汁

右二味先秤銅鈔知斤兩訖內蜜復秤知斤兩次內薑汁以微火煎令薑汁盡惟有蜜斤兩在止且服如棗大含一丸日三禁一切雜食

又療三十年欬方

紫苑

二兩

款冬花 三兩

右二味為散先食飲服一錢七日愈張文仲古今錄驗

師同

又療三十年款方

百部根 三斤

右一味擣取汁煎之如飴以溫粥飲服方寸七日三服

深師方白蜜二升更煎五六沸服三合有驗

又療久欬不差方

兔矢 四十枚

胡桐律 等

硃砂 三分

右三味擣篩蜜和為丸服如梧子三九令吐冷物盡則

差並出第十八卷中

延年療久欬不差方

豬腎 一具去脂膜

椒 二十八顆開口者

右二味取腎一顆上作十四孔取椒內孔中兩腎搃著

二十八顆了以水緩煮令熟割破細切噉之令盡有驗

張文仲處出第五卷中

崔氏療積年欬喉中啞聲方

芫花根白皮 六分切熬

貝母 十二分

款冬花 六分

百部根 八分切熬

杏人 十分去尖皮熬

皂莢 四分去皮子炙

五味子 六分

蜈蚣 半枚炙

桑白皮 六分

麻黃 八分去節

紫苑 八分

小經必居

九卷

三

經餘居

右十一味搗篩蜜和為丸如梧子大一服五丸日再服
加至十五丸煮棗汁送之出第六卷中

必効療欬嗽積年不差者胃膈乾痛不利方

紫苑一大 杏人四十九枚去尖皮 酥一大 蜜一大

右四味紫苑及杏人各別搗先煮酥蜜攪令和內紫苑
杏人研破塊煎十餘沸藥成出瓷器中每日空腹服一
彈丸細細含嚥之忌酒麪及豬肉等凌空道士得此方
傳効不復可言

又方

苘蓉二分以水淘去屑者水煮 酥一雞子許 大棗七枚

右三味鑊中煎令酥盡取棗去皮食之日一

又方

生薑五兩 錫半大

右二味取薑刮去皮如筭子切之置錫中微火煎薑使
熟食使盡則差段侍御用之極効

又方

款冬花

右一味和蜜火燒含取煙嚥之三數度則差

又方

取苘蓉子三指撮吞嚥之日五六度光祿李丞自

服之極神效並出第一卷中

古今錄驗療人三十年寒冷欬逆上氣麻黃湯方

麻黃八分去節 蜀椒四分汗 細辛三分 藁木二分

杏仁五十枚去皮尖兩人者碎

右五味切以水七升煮取三升分為三服日三忌生菜

又許明療人久欬欲死方

取厚榆皮削如指大去黑剋令如鋸長尺餘內喉中頻出入當吐膿血則愈

又香豉九療上氣三十年欬氣久寒冷痺胛中客熱變為冷方

食茱萸兩 甘草一兩 香豉二十枚 細辛

杏仁去尖皮兩人者熬各一兩 紫苑二兩

右六味擣篩為末別擣杏仁如膏乃內末攪令勻蜜和

丸如梧子服三丸日三不知增之至五丸暮臥時含十

丸著咽喉中嚥之忌海藻菘菜生菜出第十九卷中

久欬坐臥不得方二首

集驗療久患氣嗽發時奔喘坐臥不得并喉裏呀聲氣欲

絕方

麻黃去節 杏仁去尖皮兩人者碎 紫苑各三兩

柴胡 橘皮各四兩

蘇

右且味切以水六升煮取二升半去滓分三服一劑不差頻兩三劑從來用甚驗張文仲同出第四卷中

解急療久欬奔喘坐臥不得并喉裏呀聲氣絕方

麻黃去節 乾蘓葉 橘皮各三兩 柴胡後 四兩

杏人前 四兩去尖皮 兩人者碎

右五味切以水六升煮取二升半分三服服兩劑必差甚効張文仲同出第三卷中

欬嗽短氣方七首

病源肺主於氣候於皮毛氣虛為微寒客於皮毛傷於肺氣不足則成欬嗽夫氣得溫則宜和得寒則痞澀虛則氣

不足而為寒所迫併聚於肺間不得宣發故令欬而短氣也出十四卷中

深師療傷中欬嗽短氣陽中痛流飲厥逆宿食不消化寒熱邪癖五內不調肉菴蓉湯方

肉菴蓉五兩 乾地黄四兩 大棗三十枚 烏頭一兩

甘草炙 桂心 紫葳 五味子各二兩

生薑 石膏碎綿 麥門冬去心各三兩

右十一味切以水一斗五升煮取七升去滓分為七服日四夜三一方用大棗五十枚水一斗二升煮取九升忌海藻生葱菘菜蕪荑豬肉冷水

又療上氣咽喉窒塞短氣不得臥倚壁而息腰背苦痛支脅滿不能食面色痿黃貝母飲方

貝母

石膏

綿裹

桂心

麻黃

去節

甘草

炙各二兩

杏仁

三十枚去尖皮兩人者

生薑

五兩

半夏

洗五兩

右八味切以水一斗煮取三升去滓分三服忌海藻菘菜羊肉生葱餒等

又療欬而不利胃中痞而短氣心中時悸四肢不欲動手足煩不欲食肩背痛時惡寒海藻湯方

海藻 四兩 茯苓 六兩 半夏 五合 五味子 五合

細辛 二兩 杏仁 五十枚去尖皮兩人者

右六味切以水一斗煮取三升分三服忌羊肉餒生葱醋物

一方有生薑一兩千金同出第十八卷中

古令錄驗

五味子湯療逆氣欬嗽胃膈中寒熱短氣不足方

五味子 一兩 前胡 三兩 紫菀 甘草 炙

桂心 生薑 各二兩 棗 三十枚擘 山茱萸 三兩

右八味切以水一斗煮取七升絞去滓服一升日三夜

三忌生葱海藻菘菜 廣濟方用橘皮不用茱萸

又胡椒理中丸療欬嗽逆氣不能飲食短氣方

又胡椒理中丸

胡椒

藟撥

乾薑

款冬花

甘草炙

橘皮

高良薑

細辛各四兩

白朮五兩

右九味搗篩蜜和丸如梧子一服五九日再忌桃李雀

肉生菜海藻菘菜

又瀉肺湯療欬逆短氣方

人參三分

生薑四分

半夏五分

甘草四分

橘皮十二分

竹葉二兩

右六味切以水六升煮取二升分三服此方亦療霍亂

忌羊肉饒海藻菘菜

又療欬嗽及短氣脅痛薑椒湯方

生薑

椒去目汗各一兩

右二味切以水五升煮取三升每服一合並出第十卷中

九種欬嗽方一首

千金九種氣欬嗽欲死百病方

乾薑二分

半夏洗

細辛

紫苑

吳茱萸

芫花

茯苓

葶藶

防葵

甘草炙

人參

烏頭炮

大黃

葶藶子熬

巴豆去皮心熬

厚朴炙

杏仁

去皮尖兩入者熬各一分

五味子

遠志去心

昌

枳實炙

皂角

去皮子炙

當歸

桂心

前胡

菖蒲

大戟

蜀椒

各半分

白薇三分

右二十八味擣合蜜丸先食服如梧子二九日三以知為度不知增之忌海藻松菜羊肉鴆生葱酢物野豬肉蘆筍一方無巴豆有蘆蟲半分恐非

欬逆及厥逆飲欬方七首

病源欬逆者是欬嗽而氣逆上也氣為陽流行腑藏宣發腠理而氣肺之所主也欬病由肺虛感微寒所成寒搏於氣氣不得宜胃逆聚還肺肺則脹氣上逆不下故為欬逆

其狀欬而胃滿氣逆轉背痛汗出尻陰股膝踠足皆痛也其湯熨鍼石別有正方補養宣導今附于後養生方導引法云先以鼻內氣乃閉口欬還復以鼻內氣欬則愈向晨去枕正偃臥伸臂脛瞑目閉口無息極脹腹兩足再息頃間吸腹仰兩足倍拳欲自微息定復為之春三夏五秋七冬九蕩滌五藏津潤六腑又云還向反望側望不息七通療欬逆胃中病寒熱出第十四卷中深師療欬嗽短氣不得息發熱胃苦滿不得飲食五味子湯方

五味子

二兩

桂心

甘草

炙

細辛

各一兩

乾薑 三兩

紫苑 二兩一兩

大棗 二十枚

麻黃 二兩去節

右八味切以水八升煮取三升分三服無乾薑生薑亦

得忌海藻菘菜生菜葱 出第十八卷中

千金竹皮湯主欬逆下血不息方

生竹皮 三兩

紫苑 二兩

飴糖 一斤

生地黄 汁一升

右四味切以水六升煮取三升分三服忌蕪荑 深師同

又療大逆上氣喉咽不利止逆下氣麥門冬湯主之方

麥門冬 二升

半夏 一升

人參

甘草 各二兩炙

粳米 三合

大棗 十四枚

右六味切以水一斗二升煮取六升服半升日三夜一

似字

忌羊肉錫海藻菘菜

此本仲景傷寒論方 益出第十八卷中

古今錄驗療厥逆藏氣有餘寒氣虛勞憂氣驚氣其人善

悸胃中或寒上下無常多悲傷流四肢臍四邊常有核遊

腫大便不利遊氣湯方

厚朴 四兩炙

人參

甘草 炙

牡蠣 各二兩熬

茯苓 四兩

桂心

半夏 各一兩洗

梔子 四枚

生薑 八兩

黃芩 三兩

右十味切以水九升煮取三升半去滓分服七合日三

夜再服若腹痛去黃芩加芍藥 三兩良驗忌海藻菘菜生

葱羊肉錫醋物等

款
箇

又療欬逆上氣丸方

乾薑四兩 桂心 欬冬花各一兩 附子四枚

五味子二兩 巴豆六十枚老者三枚去皮心熬

右六味先擣上五味下篩別擣巴豆如膏內藥末以蜜

和丸如麻子以一九著牙上咬咀常暮卧時服亦可以

三服忌生葱豬肉蘆笋

又小胡椒丸療寒冷欬逆胃中有冷咽中如有物狀吐之

不出方

胡椒五分 乾薑六分 欬冬花三分

右三味擣篩蜜和丸如梧子大米飲服三丸日再服以

知為度禁如前法並出第十九卷中

十欬方六首

千金問曰欬病有十何謂也師曰有風欬有寒欬有支欬

有肝欬有心欬有脾欬有肺欬有腎欬有膽欬有厥陰欬

問曰十欬之證何以為異師曰欲語因欬言不得終謂之

風欬飲冷食寒因之而欬謂之寒欬心下堅滿欬則支痛

其脉反遲謂之支欬欬引脅下痛謂之肝欬欬而唾血引

手少陰謂之心欬欬而涎出續續不止下引少腹謂之脾

欬欬引頸項而唾涎沫謂之肺欬欬則耳無所聞引腰并

臍中謂之腎欬欬而引頭痛口苦謂之膽欬欬而引舌本

小臺必嬰 九卷 經餘

陰

謂之厥陰。欬，夫風欬者下之，寒欬支欬肝欬，灸足太衝，心
欬灸刺手神門，脾欬灸足太白，肺欬灸手太陵，留飲欬者其人
太谿，膽欬灸足陽陵泉，厥陰欬灸手太陵，留飲欬者其人
欬不得卧，引項上痛，欬者時如小兒瘈瘲狀，夫久欬為水
欬，而時發熱，脉在九菽，一云卒弦者非虛也此為胃中寒實所
致也，當吐之，欬家其脉弦，欲行吐藥，當相人溫弱無熱，乃
可吐耳。通按太泉疑太淵

又欬家其人脉弦為有水，可與十棗湯下之，不能卧坐者，
陰不受邪故也。

又夫有支飲家，欬煩，胸中痛者，不卒死，至一百日一歲與

彊

十棗湯方

芫花

甘遂

大戟 並熬等分

右三味擣下篩，以水一升五合，煮大棗十枚，取八合，絞
去滓，內藥末，彊人取藥一錢，羸人半錢，七頓服之，平旦
服，而不下者，明旦再服，藥半錢，下後自補養。古今錄驗同此方

引傷寒論方

又欬而引脅下痛者，亦十棗湯主之。用前方

又夫酒客欬者，必致吐血，此坐久極飲過度所致也，其脉
沈者，不可發汗，久欬數歲，其脉弱者，可療，實大數者，死，其
脉虛者，必苦胃也，其人本有支飲在胃中故也，治屬飲家。

上氣汗出而欬屬飲家欬而小便利若失溺不可發汗發汗出則厥逆冷

又欬逆倚息不得卧小青龍湯主之

麻黃去節

芍藥

細辛

桂心

乾薑

甘草

炙各三兩

五味子

半升

半夏

半升洗

右八味切以水一斗先煮麻黃減二升去沫乃內諸藥煮得三升去滓服一升若渴者去半夏加栝樓根三兩微利者去麻黃加薤花如雞子大熬黃若食飲噎者去麻黃加附子一枚炮去皮六片破小便不利少腹滿者去麻黃加茯苓四兩若喘去麻黃加杏仁半升去尖皮

芫

撞

撞

一人者熬芫花不主利麻黃止喘今語反之疑非仲景意加減忌海藻菘菜生葱生菜羊肉錫此本仲景傷寒論方青龍下已多唾口燥寸脉沉而尺脉微手足厥逆氣從小腹上衝胃咽手足痺其面翕熱如醉狀因復下流陰股小便難時復冒者可與茯苓桂心甘草五味子等湯主之治其氣衝方

茯苓四兩

桂心一兩

甘草三兩炙

五味子半升

右四味切以水八升煮取三升去滓溫分三服忌海藻

菘菜生葱

以干金校之亦脫此方今於仲景方錄附之

衝氣則抵而反更欬胃滿者與茯苓甘草五味子去桂心

加乾薑細辛以治其次滿方

茯苓 四兩

甘草 炙

乾薑

細辛 各三兩

五味子 半升

右五味切以水八升煮取三升去滓温服一升日三忌

海藻菘菜生菜醋等物

欬滿即止而復更渴衝氣復發者以細辛乾薑為熱藥也此方不遂渴而渴反止者為支飲也支飲法當胃胃者必嘔嘔者復內半夏以去其水方

茯苓 四兩

甘草 炙

乾薑

細辛 各三兩

五味子 半升

半夏 半升

右六味切以水八升煮取三升去滓温服一升日三忌

海藻菘菜生菜羊肉錫酢等

水去嘔則止其人形腫可內麻黃以其人欲逐黃乃內杏人也若逆而內麻黃者其人必厥所以然者以其人血虛麻黃發其陽故也方

茯苓 四兩

乾薑 三兩

細辛 三兩

五味子 半升

半夏 半升

杏仁 半升去尖皮兩人者

甘草 三兩

右七味切以水一斗煮取三升去滓温服一升日三忌

海藻菘菜生菜羊肉錫酢等

若面熱如醉狀者此為胃中熱上衝熏其面令熱加大黃

利之方

細辛

甘草 炙

乾薑

各三兩

伏苓

四兩

五味子

半夏 洗

杏仁

去皮尖 各半升

大黃

三兩 蒸

右八味切以水一斗煮取三升去滓温服一升日三服

忌海藻菘菜生菜錫醋羊肉並出第十八卷中

又欬嗽上氣唾膿血及濁涎方五首

病源久欬嗽上氣者是肺氣虛極風邪停滯故其病積月累年久不差則胃背痛而腫甚則唾膿血也出第十四卷深師療肺氣不足欬逆唾膿血咽喉悶塞胃滿上氣不能飲食卧則短氣補肺湯方

款冬花 三兩

桂心

二兩

鍾乳

二兩

乾薑

二兩

白石英 二兩

麥門冬

去心 四兩

五味子

三兩

粳米

五合

桑白皮 根 一斤

大棗

一百枚 擘

右十味切以水一斗二升先煮桑白皮棗令熟去滓內

藥煮取二升二合分三服忌生葱等千金同

又療欬逆上氣時時唾濁但坐不得卧皂莢丸方

長莖皂莢

一挺 去皮子

右一味搗篩蜜和服如梧子一九日三夜一以大棗膏

和湯下之

千金經心錄延年同 此本仲景傷寒論方一

又療欬逆上氣吐膿或吐血胃滿痛不能食補肺湯方

黃耆一法五兩

桂心

乾地黄

茯苓

厚朴

乾薑

紫苑

橘皮

當歸

五味子

遠志去心

麥門冬去心各三兩

甘草炙

鍾乳

白石英各二兩

桑白皮根

人參各三兩

大棗二十枚擘

右十八味切以水一斗四升煮取四升分温四服日三

夜一息海藻菘菜生忽醋物千金同並出第十八卷中

古今錄驗療寒冷欬嗽上氣胷滿唾腥膿血四味石鍾乳

散方

鍾乳碎研

白礬石鍊

款冬花

桂心各一分

右四味搗合下篩以筒吸之如大豆許一七聚先食日

三不知稍增之數試有驗當作七聚遂吸之忌生葱千金

集驗同出第十九卷中

必効療上氣唾膿血方

灸兩乳下黑白際各一百壯良千金同

欬嗽膿血方一十一首

病源欬嗽膿血者損肺傷心故也肺主氣心主血肺感於

寒微者則成欬嗽傷於陰脉則有血血與氣相隨而行欬

嗽極甚傷血動氣俱乘於肺以津液相搏蘊結成膿故欬

嗽而有膿血也出第十四卷中

陽

廣濟療癥瘕吐膿損肺方

人參 二分 瓜蒂 三分 杜蘅 五分

右三味擣篩為散，平旦空腹以熱湯服方寸匕。當吐痰水惡汁一二升，吐已復煮白粥食。淡、水未盡，停三日更進一服。忌生冷油膩猪魚。附後古今錄驗用杜蘅三分人參一分服一錢七出第二卷中

深師療欬逆唾膿血雞子湯方

雞子 一枚 甘草 二分 甘遂 一分 太黃 二分

黃芩 二分

右五味切以水六升，煮取二升，去滓，內雞子攪令調，書

飲之，良。忌海藻菘菜。

又療傷肺唾血方

茅根

右一味擣篩為散，服方寸匕，日三，亦可絞取汁飲之。主

熱渴。出第四卷中

刪繁療肺偏損胃中應肺偏痛唾血氣欬款冬花散方

款冬花 當歸 各六分 桂心 芎藭

五味子 附子 各七分 細辛 貝母 各四分

乾薑 乾地黄 各八分 白朮 甘草 各一分

杏仁 各五分 紫苑 三分

去尖皮 九卷 三七 經

右十四味，擣篩為散，清酒服，方寸七日，二服，忌生葱、生菜、桃李、雀肉、海藻、菘菜、猪肉、蕪荑。出第五卷中。

千金百部丸，主諸欬不得氣息，唾膿血方。

百部根 二兩

升麻 半兩

桂心

五味子

甘草 炙

紫菀

乾薑 各一兩

右七味，擣篩，蜜和丸，如梧子，服三九，日三，以知為度，忌

生葱、海藻、菘菜等物。

又療肺傷欬，唾膿血，腸澀背氣，不欲食，惡風，目闇，眊眊，足膝腫，寒湯方。

乾地黄 切半

桑白皮 切二升

芎藭 切一升

白膠 五兩

桂心 二升

人參

紫菀 各二兩

大棗 二十枚 擘

生薑 五兩

飴糖 一升

大麻人 一升

大麥 三升

右十二味，切，以水一斗五升，煮麥，濾取一斗，去滓，內藥，煎取三升，分三服，忌生葱。

又療肺病欬，嗽膿血，及唾涕血，出不止方。

好酥 五十斤

右三遍鍊，停凝，當出醍醐，服一合，日三，以差止。

又方

三遍鍊酥，如雞子黃，適寒溫，灌鼻中，日二夜一。

又療欬喘，喘息，喉中如有物，唾血方。

杏仁

二升去尖皮兩人者

猪脂

二合 猪一升

生薑汁 二升 蜜一升

右五味先以猪膏煎杏仁黄黑出以紙拭令淨擣如膏合煎五物令可丸服如杏核日夜六七漸加之並出第十八卷中

芎藭

麻黄 去節

細辛

椒

去目閉

當歸

各一兩

右五味切以水七升煮取三升分為三服日三微汗或吐膿血忌生菜一方有生薑一兩

又羊肺湯療欬晝夜無閑息氣欲絕肺傷唾血方

鍾乳

五兩

牡蠣

熬

桂心

六兩

射干

桃人

去尖皮

貝母

橘皮

百部根

五味子

各三兩

生薑

白石英

半夏

洗各五兩

款冬花

甘草

厚朴

炙各二兩

羊肺

一具

右十六味切先以水二斗三升煮羊肺取一斗去肺內諸藥煮取三升分四服日三夜一忌海藻菘菜羊肉錫生葱出第十九卷中

久欬嗽膿血方四首

病源久欬嗽膿血者肺感於寒微則成欬欬極甚傷於經絡血液蘊結故有膿血氣血俱傷故連滯積久其血

黠痰與膿相雜而出也出第十四卷中

廣濟療積年欬膿血方

葇蓉 二升 大棗 一百顆青州者

右二味以水三大升取馬糞燒火煎熟之候令汁盡取
棗早晨服一枚日中一枚日暮一枚不覺漸加口乾胃
熱則以為度不吐不利忌並如前法

療欬經年不差氣喘欲絕傷肺見血方

桑白皮切五分 白羊肺一具切 芍藥 十分 款冬花 六分

茯苓 十分 貝母 十二分 麥門冬 六分 杏仁 六分去尖皮熬為脂

升麻 十二分 生地黄汁 一升 黃芩 十二分 蜜 一升

右十二味切以水一斗煮取三升去滓內杏仁脂地黄
汁蜜等微火上煎如魚眼沸攪勿停手取二升二合煎
成淨綿夾布濾每食後含一合日夜三四度老小以意
減之微煖含之佳忌生冷油醋麪魚蒜蕪蕒並出第二卷中
深師療欬逆氣喘不息不得眠唾血嘔血短氣連年款冬

花丸方

款冬花 十八分 紫菀 十二分 杏仁 八分去尖皮

香豉 十分 人參 二分 甘草 三分 蜀椒 三分

天門冬 六分去心 乾薑 桂心 乾地黄 各三分

右十一味擣篩蜜和如彈丸含稍稍嚙汁日四夜再神

良忌海藻菘菜生葱燕黃鯉魚出第十八卷中

近効療久効兼唾血方

白前 三兩

桑白皮

桔梗 各二兩

甘草 一兩

右四味切以水二大升煮取半大升空腹頓服若重者

十數劑忌猪肉海藻菘菜李子釗方

欬嗽唾粘方二首

廣濟療肺熱欬涕唾多粘甘草飲子方

甘草 六分

款冬花 七分

豉心 一合

生麥門冬 八分

葱白 一握

檳榔 十顆合

桔梗 六分

地黃汁 半升

右八味切以水六升煮取二升絞去滓下地黃汁分温

三服如人行四五里進一服不利忌生菜熱麩炙肉海

藻菘菜魚蒜粘食猪肉燕蕒出第二卷中

延年紫蘇飲療欬短氣唾涕稠喘乏風虛損煩發無時

者宜服此方

紫蘇

貝母 各二兩

紫苑 一兩

麥門冬 一兩

棗 五枚擘

葶藶子 一兩熬令

黃別麴

甘草 一兩

右七味切以水六升煮取二升分爲四服每服如人行

七里禁猪魚肉蒜海藻菘菜出第五卷中

許仁則療欬嗽方一十二首

許仁則論欬嗽病有數種有熱嗽有冷嗽有肺氣嗽有飲

氣嗽熱嗽者年少力壯體氣充滿將息傷熱積熱所成故致熱嗽此但食飲取冷兼以藥壓之自歇冷嗽者年衰力弱體氣虛微如復寢食傷冷故成冷嗽此亦但將息以溫兼進溫藥則當平復肺氣嗽者不限老少宿多上熱後因飲食將息傷熱則常嗽不斷積年累歲肺氣衰便成氣嗽此嗽不早療遂成肺痿若此將成多不救矣飲氣嗽者由所飲之物停滯在胃水氣上衝入於肺肺得此氣便成嗽久而不除漸成水氣若作此病亦難療之熱嗽之狀更無其餘但遇於熱便發此者宜合生地黃等七味湯服之方

生地黃

一升切生薑二合切

桑白皮根切

一升

射干

二升切

乾葛

六合切

紫蘇

三合

竹瀝

一升

右藥細切七味以水一斗煮取三升去滓內竹瀝攪稠每食後良久則服之分一劑作四服若覺可則重合服之病輕者三數劑則差忌蕪荑

又依前生地黃等七味飲雖得暫差於後還發宜合紫苑等十味丸方

紫苑

五分

桑白皮

六合

射干

四兩

百部根

五兩

麻黃

二兩去節

乾葛

五兩

地骨皮

升麻

各四兩

乾地黃

六兩

芒消

六兩

右藥搗篩蜜和丸如梧子以竹瀝下之初服十五丸日再服稍稍加至三十九忌蕪荑

又冷嗽之狀但遇諸冷此疾便發有如此者宜合大棗等七味湯主之方

- 大乾棗 三十枚 桂心 四兩
- 杏人 一百枚去尖皮兩人研
- 細辛 五兩 吳茱萸
- 當歸 各三兩

右藥切以水八升煮取二升六合去滓温分三服每服如人行十里久服一劑覺得力至三四劑亦佳隔三四日服一劑此湯元欠一味忌生葱生菜

根下空缺八字遇合提

又依前大乾棗湯服之雖可未能斷其根遇冷便發宜合

當歸等十味丸服之方

- 當歸 切 細辛
- 甘草 炙各五兩 桂心
- 吳茱萸 人參 各三兩 蜀椒 三合 橘皮
- 乾薑 各四兩 桑白皮 八兩

右藥搗篩蜜和丸煮乾棗飲下之初服十丸日再服稍加至三十九丸如梧子服此丸經三五日覺熱每服藥後良久喫三數口粥食壓之忌海藻菘菜生葱生菜

又肺氣嗽經久將成肺痿其狀不限四時冷熱晝夜嗽常不斷唾白如雪細沫稠粘喘息氣上乍寒乍熱發作有時唇口喉舌乾焦亦有時唾血者漸覺瘦悴小便赤顏色青

蒸者以下
至大棗
膏一升
紀本缺頁
三張

白毛聳此亦成蒸有此狀者宜合白前等七味湯服之兼
有麻黃等十味丸桑白皮等十味煎

又肺氣嗽經久有成肺癰者其狀與前肺痿不多異但唾
悉成膿出無多少有此病者於白前湯中加半夏五兩黃
耆三兩以水一斗煮取二升八合於麻黃丸中加黃耆五
兩苦參六兩芍藥三兩於桑白皮煎中加黃耆切三升共
桑白皮地骨皮同煎又加水三升同煎忌羊肉餒
白前湯方

- 白前 三兩
- 桑白皮 三兩
- 生地黃 一升
- 茯苓 五兩
- 地骨皮 四兩
- 麻黃 二兩
- 去節
- 生薑 六兩

右藥切以水八升煮取二升六合去滓加竹瀝五合分
溫四服食後服之晝三夜一覺得力重合服五六劑佳
隔三日服一劑忌醋蕪荑
又依前白前等七味湯雖服覺可根本未除宜合麻黃等
十味丸服之方

- 麻黃 二兩
- 去節
- 白前 二兩
- 桑白皮 六兩
- 射干 四兩
- 白薇 三兩
- 百部根 五兩
- 乾地黃 六兩
- 地骨皮 五兩
- 橘皮 三兩

右藥擣篩蜜和丸煮桑白皮飲下之初服十九日再服
稍稍加至十五丸如梧子大本欠一味忌蕪荑

又凡病在胃膈上者宜飽滿而在夜肺既居上此是病在上已晝服九夜無憑準宜合桑白皮汁等十味煎每夜含咽之方

桑白皮切一升 地骨皮切三升

二味用水七升熟煎取三升汁去滓澄清

生地黄汁五升 生麥門冬汁二升 生薑汁一升 竹瀝三升

生葛根汁三升 白蜜一升 牛酥三合 大棗膏一升

右八味先於微火上取生地黄汁以下生葛根汁以上和煎減半則內桑白皮等二物汁和煎之三分減一則內酥蜜棗膏攪之勿停手得如稠飴狀煎成訖置別器中

服之每夜欲卧時取一胡桃大含之細細嚥汁稍加至雞子大欲盡日間丸服亦得忌蕪荑

又飲氣嗽經久不已漸成水病其狀亦不限四時晝夜嗽不斷遇諸動嗽物便致困劇甚者乃至雙眼突出氣即欲斷汗出大小便不利吐痰飲涎沫無復窮限氣上喘急肩息每旦眼腫不得平眠有如此者宜合細辛等八味湯葶藶子十五味丸服之

細辛洗 半夏洗 桂心 桑白皮各五兩

乾薑 當歸各四兩 芒消六兩 杏仁六合去尖

右藥切以水九升煮取三升去滓內芒消分溫三服每

息

服如人行十里久當得快利後好將息經三四日合丸服之忌生葱生菜羊肉錫

九方

葶藶子

六合熬

細辛

五味子

各五兩

乾薑

當歸

各四兩

桂心

人參

丁香

大黃

商陸根

各三兩

橘皮

四兩

桑白皮

六兩

皂莢肉

二兩炙

大腹楨榔

二十枚

麻黃

二兩去節

右藥搗篩蜜和丸煮桑白皮飲下初服十九日再服稍加至十五丸如梧子大若利則減秘則加以大便通滑為度時時得鴨澹亦佳忌生葱生菜

還

又依前細辛等八味湯葶藶子等十五味丸不覺可漸成水病餘一如前况更加大小便秘澀頭面身體浮腫宜合大乾棗三味丸服之方

大棗

六十枚擘去核

葶藶子

一升熬

杏仁

一升去尖皮兩入者熬

右藥合搗令如膏可作丸如硬燥不相著細細下蜜作丸依前以桑白皮飲下之初服七八丸日再服稍稍加以大便通為度病重者時令鴨澹佳亦有以前二味煮湯服之

又依前大棗等三味丸服雖覺氣蹇欬然病根深固藥力微弱且停服大棗丸合巴豆丸五味細細服之蕩滌宿病

方

巴豆人二十枚 熬去心皮 杏仁一百顆去尖 牽牛子五合 熬

葶藶子六合 大棗六十枚 擘去核

右藥合搗一如前大棗九法還以桑白皮飲下之服三四九日再服稍加如利即減秘即加常以大便調為候病甚時時取鴨溲亦佳忌蘆笋野豬肉吳昇同出下卷中

雜療欬嗽方三首

古今錄驗五藏六腑皆令人欬肺居外而近上合於皮毛皮毛喜受邪故肺獨易為嗽也邪客於肺則寒熱上氣喘汗出欬動肩背喉鳴甚者唾血肺欬經久不已傳入大腸

忽 煎

其狀欬則遺糞腎欬者其狀引腰背痛甚則欬涎腎欬經久不已傳入膀胱其狀欬則遺汗肝欬者其狀左脅痛甚者不得轉側肝欬經久不已傳入膽其狀欬則清苦汁出心欬者其狀引心痛喉中介介如鯁狀甚者喉痺咽腫心欬經久不已傳入小腸其狀欬則失氣脾欬者其狀右脅痛陰陰則引肩背甚者不得動動便欬劇脾欬經久不已則傳入胃其狀欬即嘔甚則長蟲出久欬不已則三焦受之三焦欬之狀欬而腹滿不能食飲此皆聚於胃關於肺使人多涕唾而面浮腫氣逆也又非時有風寒冷人觸胃解脫傷皮毛間入腑藏為欬上氣如此也又非時忽然暴

寒傷皮膚中與肺合則欬嗽上氣或胃脅又痛欬唾有血者是其熱得非時之寒暴薄之不得漸散伏結深喜肺癰也因欬服溫藥欬尤劇及壯熱吐膿血汗出惡寒是也天有非時寒者急看四時方也

又療欬嗽上氣時時嘔白唾沫數十歲者方

吳茱萸

五味子

大黃

桂心

甘草

細辛

人參

紫苑

款冬花

各一兩

天戟

竹筍

各三分

右十一味切以水一斗煮取三升分為三服亦療陰冷欬至良忌海藻菘菜生菜生葱深師同並出第十九卷

深師療諸欬心中逆氣氣欲絕杏仁煎方

杏仁

四兩去尖皮木

豬膏

白蜜

生薑汁

三升

右四味著銅器中於微火上先煎薑汁次內蜜膏令如飴置器著地乃內杏仁末復令得一沸煎成服如棗大一丸含之日三不知稍稍增之

又療氣上迫滿或氣不通煩悶喘嘔蘇子湯方

蘇子

一升

乾薑

半夏

四兩洗

桂心

人參

各一兩

橘皮

茯苓

各三兩

甘草

一兩炙

右八味切以水八升煮取二升半分為三服若虛熱去乾薑用生薑六兩加黃芩二兩忌海藻菘菜羊肉飴生

葱酢等物

並出第十八卷中

朝奉郎提舉藥局兼太醫令醫學博士臣裴宗元較正

右迪功郎充兩浙東路提舉茶鹽司幹辦公事張 寔

較勘

外臺秘要方卷第九

重訂唐王燾先生外臺秘要方第九卷終



